



Siulersuisut nalunaarutaat

Asasakka siulersuisut

Siullermik, kiinnat nutaat tikilluaritsi aammalu qinigaanissinnik pilluaritsi. Nuannaarutigilluinarpara oqarsinnaagama, sulinermut allangorartuusup aammalu nutaartallip aammalu sulipiginnaasatigut siulersuisut ilaneqarnerat nuannaarutigigakku.

Taamaattumillu isumaqarpunga siunnerfitta suunerinik ersarissaanissaq aammalu suliaassatsinut aallaavissat suut suliaasaanerannik oqaloqatigiinnissarput piimaartoq. Uani sunaassava siulersuisut aammalu aqutsinermi Sulisitsisuni avammut ingerlanneqartussat aammalu suliasat pillugit saqqummiussassat:

Tassa siunertaavoq siulersuisuni, pisortaqaqfimmil aammalu Sulisitsisuni sulisuni, siunnerfiit tamakkiisumik saqqummiunneqartussat annerpaamik oqaatsit 50-it atorlugit pissasoq: *"Sulisitsisut tassaapput ullumikkut aammalu siunissami kattuffiussasoq nukittoq, 2025-ip tungaanut immikkut ittumik attaveqatigiinnermut, siunissami inuussutissarsiornikkut periarfissanik, kinguaariit nikinngerannik aammalu ilaasortat & sullissinerit immikkut suliniutigineqartussat taaneqartut. Sulisitsisut soqutigisaraa peqatigiiffiup tamarmiullutik aningaasarsiornikkut allanik isumalluuteqanngitsumik Kalaallit Nunaanni ingerlatsisoqarnissaa. Aningaasarsiornikkut aammalu atugarissaarnikkut imminut attassinnaasumik sinaakkuteqarnissaq siunnerfiliussani toqarneqartunut tunngatillugu.*

Uanga nammineerlunga ukioq kingulleq maj-imi atorfinippunga aammalu aatsaat qanittumi periarfissat aammalu siunnerfiit suuneri annerusumik paasisimalerlugit. Sulisitsisut ilaasortaasoqarnikkut annertuumik inissisimavoq aammalu agguataarneqarluni sulifeqarfinit 330-init nuna tamakkerlugu inissisimasunit. Taakkualu aamma siulersuisuni inissisimasoqarlutik, piffinni siulittaasoq, pisortaaneqarfik aammalu allattoqarfik. Taassumap qulakkerpaa immitsinnut attaveqatigiissinnaanerup qanittuaraanera aammalu erngertumik iliuuseqarsinnaalluta pisariaqarpat. Taamaattumillu paasilluarsinnaavara, taamak ilaasortaqtiginitta nassatarisaanik sorpassuarnut akuutinneqartarnera aammalu ilisaritinneqartarnera soqutigisanut arlariinnut, taannaallunilu uagut peqatigiiffipput. Aporaaffigisartakkagullu arlalitsigut ukuusarmata illoqarfik pingaarnerpaaq kiisalu sineriak, taamaattumillu sumiiffikkaartumik siulittaasunik toqqaasoqarnikuunera tassuunalu immitsinnut qaninnerunissarput qulakkeerlugu aammalu pilertornerusumik ilaasortavut sinnerlugit qisuariarsinnaasarluta aaliangiisartunut.

Nalunggilluinarpara ilutsinni tunngaviusumik piomasaaqatini aporaaffeqartarluta Sulisitsisut suliaatsinni, kisiannili tamanna nukittoqutitut tamanna isigerusuppara aammalu aaliangiussarni peqatigiilluta suliani annerusuni pisussani peqatigiittarluta. Tassa ilaasortatut Sulisitsisut kisi-mik iliuuseqarsinnaanngitsut, kisiannili tunuliaquttat sunniiniarneratigut aaliangiisartunik sunniiniarnikkut taamaasilluta inuussutissarsiutinik ingerlataqarnermi sinaakkutissanik pingaarutillinnik ineriartortitsisinnaalluta inuussutissarsiornikkut. Siulersuisutut aammalu qullersaqarfittut tamatigut paasissutissiisnaanngilagut siammasissumik pisunik tamanik aammalu suut suliniutit ingerlannerlugit soqutigisatta aallunnissaannut, tamannami ataavartumik ingerlaavartariaqarmat tatiginartumik isumaqarfiunissat soorlu ass. Qinikkanit naapittakkatsinniit. Soorlu suliniut isertortumillusoq ingerlanneqartoq, imatut isiginarsinnaalluni avammut soorlu sunngitsugut suliamut aaliangersimasumut tunngatillugu, kisiannili ersinngitsukkut suliaq susoqartupilussuulluni. Ilaatigut immitsinnut "keeqqasinnaasarluta" oqaatsigut ilaasortavulli ilisimatittarlugit suliaq ingerlanneqartoq. Uagut siulersuisuni aammalu arlalitsigut uanga aammalu qullersaqarfimmi ilaatigut matup ammatittarnissaa pingaaruteqarpoq aammalu

qaavatigut ilaasortatsinnit piumasqaataasut taakkualu imminnut akerleriissinnissaat pisariaqartarluni. Taamaasilluta torersumik oqaloqatigiinnerit ingerlanneqartarlutik aammalu ineriartorneq ingiaqataatillugu.

Suliarujussuusarpoq qullersaqarfimmut, allattoqarfimmut aammalu uagutsinnut siulersuisunut minnerungitsumillu piffinni siuttuusunut uani paasitinniassallugu attaveqatigiinnerup qanoq pingaaruteqartiginera, inissaqartitsineq, naalaarsinnaaneq aammalu paasinnissinnaaneq. Tamannalu ilaatigut oqitsuinnaaneq ajorpoq.

Inuussutissarsiorneq Kalaallit Nunaanni annertoorujussuarmik inissisimasuuvoq aammalu matuersaataalluni Inuiaqatigiit nukittunerusut piginissaannut. Atugarlioruttami taava sulisutsinut tamanna aamma sunnuteqassaaq aammalu illoqarfitsinnut aammalu sunniuttussaalluni. Ilaasortatut Kalaallit Nunaanni siammarsimasuuvugut, tamattalu illoqarfitsinni inissisimalluarluta aammalu suliffeqarfiit annertusuniit annertoorujussuarnut aammalu annikinnerusunut suliffeqarfiulluta. Isorartuussutsikkut inissisimanerput tamatsinnut unaminartuulluni aammalu ullut tamaasa Inuiaqatigiinni annertuumik pisussaaffimmik akisussaaffimmillu tigusisuulluta. Tassalu taakkuupput suliffeqarfiit tamarmik, angippata mikippata, sumiiffiit aporfiunatik tamarmik Sulisitsisut pigimmassuk aammalu pingaarluinnarpoq oqaatigissallugu Sulisitsisut imatut ingerlanngimmata Nuuk sineriillu. Tamassinnut sulivugut. Ilaasortatsinnut nukittoqqutaasussaavoq amerlasuujunerput aammalu attaveqatigiissinnaanerit aammalu peqatigiissinnaanerit naapittarsinnaalluta aammalu misilittakkatigut immitsinnut ilinniarfigaluta aammalu suut unaminartuusinnaaneri pillugit. Minnerungitsumillu sinaakkutit suut pineqarnerisut ajattuiffiginissaat aammalu suut aaliangiiffigineqartariaqarnerisut takussutisserlugu aammalu suut inuussutissarsiornermit akuersaarneqarsinnaanginnerisut.

Taassumap avataatigut Sulisitsisut eqqumaffigilluinnarpaat aningaasarsiornikkut aammalu atugarissaarnikkut imminut nappassinnaaneq aammalu inuussutissarsiorneq imminut nappattuunissaa. Tamannalu suliaq ataavartumik peqatigiiffimmit suliarineqartuulluni tassalu sinaakkutit atugassarititaasullu ineriartornermik siunnerfillit anguniartuarlugit.

Uagut Inuussutissarsiortuusugut kissaatigaarput aningaasarsiornikkut ineriartornissaq aammalu inuussutissarsiorneq pillugu politikikkut sinaakkutit pisariaqartut piunissaat taamaasilluta uagut atugarissaarnikkut aammalu aningaasarsiornikkut ineriartorneq annerusoq tassuuna qulakkeersinnaallugu.

Atugarissaartuunerup tungaatigut aatsaat atugassarititaasut taamak ajortigaat. Ullumikkut inunnik peqaannarnissamik isikkua isumalluarnangilaq. Naamerluinnaq. Inuusuttagut aalajaatsut amigaatigaagut taakkualu ilinniarfinni tiguneqarsinnaanatik, aammalumi uagut suliffeqarfitsinni. Atugarissaarnikkut annertusiartorsinnaanermut aammalu inuttut ataavartumik ingerlasinnaaneq politikikkut sinaakkutissanik amingaateqarpoq aammalu siunnerfiit ataavartut pilersaarutaanissaat pisariaqarput taakkuuppullu ineriartorneq pisariaqartup anguneqarnissaannut. Politikikkut aaliangersaanissaq pisariaqarpoq, kisianni tulleriiaarineq eqqumaffigilluinnarlugu aammalu iliuuseqarnissaq massakkut.

Nalunngilluinnarpara siulersuisuni tamatta soqutigisavut assigiinnitsorpassuusut aammalu tunuliaquttaq assigiinngitsuusut, kisianni neriuutigaara tamattaalluta eqqarsaat ataatsimoorfiusoq nassaarisinnaallugu, tassanilu immikkoortortaarfitta aammalu brancheudvalgini toqqaalluta aammalu soqutigisat taakkua aallullugit, taakkualu ilaasortanut iluaqutaassallutik piffinni aammalu taamaasiornikkut peqatigiiffitta inuussutissarsiornikkut politikikkissaa aammalu toqqammavia siulersuisunit ikorfartorneqartut pigissallugu. Kissaatigaara ataatsimoorfiusumik siulersuisut sulinissaannut toqqammavissaq nassaarissagippat. Siulersuisutut taamaasilluta ataatsimoorfigalugu siunnerfik ilisimallugu aammalu maannakkut siunnerfiusoq

eqqummaariffigalugu sulinerput ingerlassagaluarmat aammalu siunissami suna eqqummaariffi-
ginissaa taamaasilluta sumut isiginerluta nalussanngikkaluarlugu. Sulitsisutut suniarpugut
maannakkuinnaanngitsoq aammali siunissami. Ilaasortagut qanoq oqarpat? Sinaakkutit suut
pisariaqartsinneqarpat? Taakkua naalaarumaarpagut

Innersuunneqartoq

- Innersuupparput, nalunaarut tusaatissatut tiguneqarumaartoq.